

杞縣志

杞縣志目錄

卷之一

聖製

卷之三

天文志

星圖
前異

分野

曜度

星氣

彗星

卷之三

地理志上

沿革

封建

古蹟

卷之四

地理志下

疆域

山川

水利

卷之五

建置志

城池
公署

學宮
壇廟

書院
寺觀

衙署
坊表

倉庫
橋梁

卷之六

禮樂志

秩祠

鄉飲

卷之七

田賦志

賦稅
支發

漕糧
河夫

戶口
鹽課

地畝

存留

卷之八

風土志

風俗

物產

卷之九

職官志

刺史
訓導

縣令
各宦

縣佐

治屬

教諭

卷之十

選舉志上

舉人

卷之十一

選舉志下

秀才
武科

恩拔
誥封

副歲
任子

例貢

例監

卷之十二

武備志

兵防

舟戰

烽堠

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善長

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下

卷之二十一

藝文志一

碑記

卷之二十二

藝文志二

銘 讚 頌 疏 表 傳 序 文
辨 引

卷之二十三

藝文志三

詩歌

卷之二十四

叙錄志

舊志序

書籍目

舊修志姓氏

杞縣志卷之十七

人物志五

隱逸

善良

隱逸

古人稱窮不失義達不離道蓋遇有窮達而所以
守道者則一也士君子不幸遭世末流知幾遠遁
以儉德避難尙矣卽或時非險阻而一邱一壑抱
道自守不求名利夫亦足以愧世之營營於奔競
者漸鴻介石易所爲以貞吉占也夫

周

北官殖雍邱人操舟捕魚蚌自給夜宿河濱忽獲

夜光之珠明照百步雍邱之人以殖得奇寶也爭
刺羊豚往賀之曰自若居雍邱出則澡舟入則舍
舟其衣罔罔爾其食扈扈爾宋人之婁者未有過
於若也今一旦得奇寶者世所珍也何欲不靡哉
宋大夫聞之亦往賀曰宋君欲求照乘之珠十枚
既有其九環宋國之疆而招之無有應者不意若
得之河濱也若當襲以阿錫貯以寶槧吾絜若西
獻之貴與富弗須口也北宮殖將行其父始還自
秦北宮殖具以告其父哭曰子居雍邱十世矣
於一舟今以是珠獻必致富貴富貴則驕驕則

暴則亂亂則危危則大壞而後已求如今日操用
尙何可得耶吾安用是爲也吾安用是爲也碎之
東漢

范丹字史雲

丹史作史

外黃人也少爲縣小史奉檄迎

督郵耻之乃遁去到南陽受業於樊英又遊三輔
就馬融通經歷年乃還丹好違時絕俗爲激詭之

行嘗慕梁伯鸞閔仲叔之爲人與漢中李固河內

王漁親善而鄙賈偉節郭林宗焉桓帝時以丹爲
萊蕪長遭母憂不到官後辟太尉府以狷急不能
從俗常佩韋於朝議者欲以爲侍御史因遁身逃

命於梁沛間徒行敝服賣卜於市遭黨人禁錮遂
推鹿車載妻子拮拾自資或寓息客廬依宿樹
如此十餘年乃結草室而居焉所止卑陋有時絕
粒言貌自若閭里歌之曰饑中生塵范史雲釜中
生魚范萊蕪及黨禁解爲三府所辟乃應司空命
尋自劾退又辟太尉府以疾不行中平二年年七
十四卒於家臨終遺令勅其子曰余生昏闇之世
不得匡世濟時死何忍自同於世氣絕便歛歛以
時服衣足蔽形棺足周身歛畢便穿穿畢便埋塋
封高下令足自隱而已於是三府各遣令史奔弔

大將軍何進移書陳留太守舉行論諡僉曰宜爲

貞節先生會葬者二千餘人刺史郡守各爲立碑

表墓焉

丹別傳云丹使兒掎麥得五斛隣人尹臺遺之一斛丹妻受之後丹知並以六斛送

臺言麥糴

遂不取

夏馥字子治閩人也少爲書生言行質直同縣高

氏蔡氏並皆富殖郡人畏而事之馥閉門不與交

通由是爲豪姓所仇桓帝初舉直言不就馥雖不

交時宦然以聲名爲中官所憚遂與范滂張儉等

俱被誣陷詔下州郡捕爲黨魁及儉等亡命經歷

之處皆被收考辭所逼引布褐天下馥乃頓足而

嘆曰孽自己作空污良善一人逃死禍及萬家何
以生爲乃自剪鬚變形入林慮山中隱匿姓名爲
冷家傭親突烟炭形貌毀瘁數十年無人知者後
馥弟靜乘車馬載縑帛追之於滎陽市中遇馥不
識聞其言聲乃覺而拜之馥避不與語靜追至客
舍共宿夜中密呼靜曰吾以守道疾惡故爲權宦
所陷且念營苟全以底性命弟奈何載物相求是
以禍見追也明旦別去黨禁未解而卒

申屠蟠字子龍外黃人也九歲喪父哀毀過禮服
除不進酒肉十餘年每忌日輒三日不食家貧傭

爲漆工郭林宗見而奇之同郡蔡邕深重蟠及被
州辟乃辭讓之後郡召爲主簿不行遂隱居精學
博貫五經兼明圖緯始與濟陰王子居同在大學
子居臨歿以身託蟠蟠乃躬推輦車送喪歸鄉里
事畢還學太尉黃瓊辟不就及瓊卒歸葬江夏四
方名豪會帳下者六七十人互相論談莫有及蟠
者舉有道不就先是京師遊士汝南范滂等非許
朝政太學生爭慕其風以爲文學將興處士復用
蟠獨嘆曰昔戰國之世處士橫議列國之王至爲
擁篲先驅卒有阮儒燒書之禍今之謂矣乃絕跡

於梁碭之間因樹爲屋自同傭人居二年滂等累
罹黨錮或死或刑者數百人蟠確然免於議論大
將軍何進連徵不詣進必欲致之使蟠同郡黃忠
致書勸之蟠不答中平五年復興荀爽鄭元及顓
川韓融陳紀等十四人並博士徵不就明年董卓
廢立蟠及爽融紀等復俱公車徵惟蟠不到衆人
咸勸之蟠笑而不應居無幾爽等爲卓所脅迫西
都長安京師擾亂及大駕遷公卿多遇兵饑室
家流散融等謹以身脫惟蟠處亂終全高志七十
四終於家

蟠救緱王事詳見
後漢書

晉

范喬字伯孫粲之子也二歲祖馨臨終撫喬首曰
恨不見汝成人因以所用硯與之至五歲祖母以
告喬喬便執硯涕泣弱冠受業於樂安蔣國明深
相器重光祿大夫李銓嘗論楊雄才學優於劉向
喬以爲向定一代之書正羣籍之篇使雄當之故
非所長遂著劉楊優劣論喬好學不倦父粲佯狂
不言喬與二弟並棄學業絕人事侍疾家庭至粲
沒足不出邑里司隸校尉劉毅嘗抗論於朝廷曰
使范武威疾若不篤其爲伯夷叔齊復存於今如

其疾篤益是聖主所宜哀矜其子久待父疾名德
著茂不加敘用深爲朝廷惜遺賢之譏也元康中
詔求廉讓冲退履道寒素者不計資以參選敘尙
書郎王琨乃特薦喬時張華領司徒天下所舉凡
十七人於喬特發優論於是除安樂令辭疾不拜
喬凡一舉孝廉八薦公府再舉清白異行又舉寒
素一無所就初喬邑人臘夕盜研其樹人有告者
喬佯不聞邑人愧而歸之喬往喻曰卿節日取柴
欲與父母相歡娛耳何以愧爲其通物善導皆此
類也外黃令高顯歎曰諸士大夫未有不及私者

而范伯孫恂恂率道名諱未嘗經於官曹其爲人所歎服如此卒年七十八

唐

許碣高陽人累舉進士不第晚學道於王屋山周覽五嶽名山每於懸崖峭壁處必題云許碣自峨嵋山訪偃月子到此觀者莫測其意又嘗醉吟曰閬苑花前是醉鄉誤傾王母九霞觴羣仙拍手嫌輕薄謫向人間作酒狂後於廬江酒樓醉歌人見而奇之不知所終

宋